



სსიპ ეროვნული სატყეო სააგენტო

II კვარტლის
ანგარიში

2024

სსიპ ეროვნული სატყეო სააგენტო

სარჩევი:

1. სამართლებრივი უზრუნველყოფა.....	5
2. ტყის აღრიცხვა.....	7
3. ტყითსარგებლობა.....	9
3.1 მერქნული რესურსით სარგებლობა.....	9
3.2 სატყეო ინფრასტრუქტურის მოწყობა-რეაბილიტაცია.....	11
4. ტყის მოვლა-აღდგენა.....	12
4.1 ტყის აღდგენის ღონისძიებები.....	12
5. კანონდარდობა და კანონმდებლობის დარღვევები.....	13
6. ადამიანური რესურსების მართვა და საქმისწარმოება.....	15
7. სტრატეგიული დაგეგმვა და განვითარება.....	18
7.1 საერთაშორისო თანამშრომლობა.....	18
8. საზოგადოებასთან ურთიერთობა.....	21
9. ბიუჯეტის შესრულება.....	27
9.1 ინფორმაცია სსიპ ეროვნული სატყეო სააგენტოს 2024 წლის ბიუჯეტის შესრულების შესახებ.....	27
9.2 კანონმდებლობით ნებადართული სხვა (საკუთარი) შემოსავლები და გადასახდელები.....	30
9.3 დაფინანსება სხვა წყაროებიდან.....	31
9.4 ძირითად საქმიანობასთან დაკავშირებული სხვა ინფორმაცია.....	31
9.5 ელექტრონული აუქციონის წესით მერქნული რესურსის რეალიზაცია.....	32
9.6 საქმიანი ეზოების მოწყობა და ინფრასტრუქტურული პროექტები.....	33
9.7 სახელმწიფო შესყიდვები.....	33

შესავალი

სსიპ ეროვნული სატყეო სააგენტო წარმოადგენს საქართველოს გარემოს დაცვისა და სოფლის მეურნეობის სამინისტროს სისტემაში შემავალ საჯარო სამართლის იურიდიულ პირს. სააგენტო მართავს 1,738,282 ჰა სახელმწიფო ტყეს (ტყით დაფარულია 1,633,600 ჰა). შესაბამისად, სააგენტო ქვეყანაში ძირითადი ტყის მართვის ორგანოა და პასუხისმგებელია ტყითსარგებლობის, ტყის ინვენტარიზაციის, აგრეთვე ტყის მოვლა-აღდგენის ღონისძიებების დაგეგმვასა და განხორციელებაზე ქვეყნის 9 რეგიონში.

სააგენტო შედგება ცენტრალური აპარატისა და 9 რეგიონული სამსახურისაგან *(დიაგრამა 1)*. სააგენტოში დასაქმებულია 1199 ადამიანი, მათ შორის:

- ცენტრალურ აპარატში - 168 (მათგან ხელშეკრულებით დასაქმებულია - 79 ადამიანი).
- 9 რეგიონულ სამსახურში - 1031 თანამშრომელია (მათგან ხელშეკრულებით დასაქმებულია - 645 ადამიანი).


სააგენტო არ ოპერირებს დაცულ ტერიტორიებზე, აჭარის ავტონომიური რესპუბლიკის, თბილისსა და მის გარშემო არსებულ მუნიციპალური ერთეულების - სოფლებისა და ქალაქების, აგრეთვე კერძო საკუთრებაში არსებულ ტყის ფართობზე.

სააგენტოს მიზანია, ტყეების რაოდენობრივი და ხარისხობრივი მაჩვენებლების შენარჩუნება და გაუმჯობესება. მდგრადი მართვის გზით, მრავალმიზნობრივი ტყითსარგებლობის და სოფლად განვითარების ხელშეწყობა.

სააგენტოს პრიორიტეტებია:

- ტყის მოვლა-აღდგენის ღონისძიებების ხარისხობრივი და რაოდენობრივი მაჩვენებლების გაზრდა სამუშაოების დაგეგმვის, განხორციელებისა და მონიტორინგის გაუმჯობესებული მექანიზმის დანერგვის გზით;
- ტყის მართვის დაგეგმვის გაუმჯობესება;
- თანამშრომელთა შესაძლებლობების განვითარება;
- საზოგადოების ცნობიერების დონის ამაღლება და ინფორმირების ხელშეწყობა;
- მრავალმიზნობრივი ტყითსარგებლობის უზრუნველყოფა და ეკოსისტემების მომსახურების განვითარება;
- მატერიალურ-ტექნიკური შესაძლებლობების განვითარება;
- ინსტიტუციური გაძლიერება და მმართველობის გაუმჯობესება.

დიაგრამა 1: სსიპ ეროვნული სატყეო სააგენტოს სტრუქტურა



1. სამართლებრივი უზრუნველყოფა

საანგარიშო პერიოდში, მომზადდა და საქართველოს გარემოს დაცვისა და სოფლის მეურნეობის სამინისტროში წარდგენილია:

„სახელმწიფო ტყეში დასაქმებულ პირთა სამსახურებრივი ტანსაცმლის ფორმის დადგენის შესახებ“ საქართველოს გარემოს დაცვისა და სოფლის მეურნეობის მინისტრის ბრძანების პროექტი მომზადდა და გაიგზავნა სამინისტროში.

„საქართველოს გარემოს დაცვისა და სოფლის მეურნეობის სამინისტროს საჯარო სამართლის იურიდიული პირის – ეროვნული სატყეო სააგენტოს დებულების დამტკიცების შესახებ“ საქართველოს გარემოს დაცვისა და სოფლის მეურნეობის მინისტრის 2021 წლის 31 მაისის N2-796 ბრძანებაში ცვლილების შეტანის თაობაზე“ საქართველოს გარემოს დაცვისა და სოფლის მეურნეობის მინისტრის ბრძანების პროექტი (ადმინისტრაციულ დეპარტამენტს დამატებით დაემატა დასრულებული ინფრასტრუქტურული პროექტების მართვა/ზედამხედველობის ფუნქცია) მომზადდა, გაიგზავნა სამინისტროში და გამოიცა.

„2023 წლისათვის სოციალური ჭრის საფუძველზე მოპოვებული ხე-ტყის ტრანსპორტირებასთან დაკავშირებით გასატარებელი ღონისძიებების შესახებ“ საქართველოს გარემოს დაცვისა და სოფლის მეურნეობის მინისტრის ბრძანების პროექტი (ზოგიერთ მუნიციპალიტეტებში ხე-ტყის ტრანსპორტირების დაშვება) მომზადდა და გაიგზავნა სამინისტროში.

„ტყის მდგრადი მართვა ეროვნული სატყეო სააგენტოს მართვას დაქვემდებარებულ ტერიტორიებზე 8 სამიზნე სატყეო უბანი“ პროექტის განხორციელების უზრუნველსაყოფად, სსიპ - ეროვნულ სატყეო სააგენტოსა და გერმანიის საერთაშორისო თანამშრომლობის საზოგადოებას „GIZ“ შორის 2021 წლის 22 დეკემბერს გაფორმებული საგრანტო ხელშეკრულებაში ცვლილების შეტანის მიზნით შეთანხმების პროექტის შესახებ“ საქართველოს მთავრობის განკარგულების პროექტი მომზადდა და გაიგზავნა სამინისტროში.

„საქართველოს გარემოს დაცვისა და სოფლის მეურნეობის სამინისტროს საჯარო სამართლის იურიდიული პირის - ეროვნული სატყეო სააგენტოს მიერ სახელმწიფო შესყიდვების განსახორციელებლად წინასწარი თანხმობის გაცემის შესახებ“ მთავრობის განკარგულების პროექტი მომზადდა და გაიგზავნა სამინისტროში.

„საქართველოს გარემოს დაცვისა და სოფლის მეურნეობის სამინისტროს საჯარო სამართლის იურიდიული პირის - ეროვნული სატყეო სააგენტოს მიერ სახელმწიფო შესყიდვების განსახორციელებლად წინასწარი თანხმობის გაცემის შესახებ“ მთავრობის განკარგულების პროექტი მომზადდა და გაიგზავნა სამინისტროში.

„ტყითსარგებლობის წესის შესახებ“ დებულების დამტკიცების თაობაზე“ საქართველოს მთავრობის 2021 წლის 18 მაისის №221 დადგენილებაში ცვლილების შეტანის თაობაზე საქართველოს მთავრობის დადგენილების პროექტი მომზადდა და გაიგზავნა სამინისტროში.

„სახელმწიფო ტყეში დასაქმებულ პირთა სამსახურებრივი ტანსაცმლის ფორმის დადგენის შესახებ“ საქართველოს გარემოს დაცვისა და სოფლის მეურნეობის მინისტრის 2024 წლის 25 მარტის №2-388 ბრძანებაში ცვლილების შეტანის თაობაზე“ საქართველოს გარემოს დაცვისა და სოფლის მეურნეობის მინისტრის ბრძანების პროექტი მომზადდა და გაიგზავნა სამინისტროში.

„ტყითსარგებლობის წესის შესახებ“ დებულების დამტკიცების თაობაზე“ საქართველოს მთავრობის 2021 წლის 18 მაისის №221 დადგენილებაში ცვლილების შეტანის თაობაზე საქართველოს მთავრობის დადგენილების პროექტი (ტყის ფონდში ანძების განთავსებისათვის საფასურის გადახდის წესის ცვლილებაზე) მომზადდა და გაიგზავნა სამინისტროში.

„ტყითსარგებლობის წესის შესახებ“ დებულების დამტკიცების თაობაზე“ საქართველოს მთავრობის 2021 წლის 18 მაისის №221 დადგენილებაში ცვლილების შეტანის თაობაზე საქართველოს მთავრობის დადგენილების პროექტი (სარეკლამო ბანერების განთავსების საკითხზე) მომზადდა და გაიგზავნა სამინისტროში.

2. ტყის აღრიცხვა

სსიპ ეროვნული სატყეო სააგენტოს მართვას დაქვემდებარებული სახელმწიფო ტყის ფართობების აღრიცხვა სისტემატიური პროცესია, რომლის დროსაც სააგენტო მოიპოვებს ინფორმაციას ტყის რესურსების რაოდენობრივი და ხარისხობრივი მდგომარეობის შესახებ, ადგენს სატყეო უბნების საზღვრებს და შეიმუშავებს ტყის მართვის გეგმებს.

ტექნიკურ-მატერიალური ბაზისა და ადამიანური რესურსების გაძლიერება:

სსიპ გარემოსდაცვითი ინფორმაციისა და განათლების ცენტრის ორგანიზებით, გამოცხადდა სსიპ ეროვნული სატყეო სააგენტოსთან მიერ დაგეგმილი პროფესიული გადამზადების პროგრამაზე – „ტყის ინვენტარიზაცია და ტაქსაცია“ სასწავლო პროცესში მსმენელების მიღება.

მიმდინარეობდა საქმისწარმოებასთან დაკავშირებული გეო-საინფორმაციო სისტემის შექმნა და სრულყოფა, რომელიც ხელს შეუწყობს სააგენტოში შემოსული კორესპონდენციების და საქმის წარმოებაში არსებული მასალების კარტოგრაფიულ ვიზუალიზაციას.

მომზადებულია ტყის აღრიცხვის (ინვენტარიზაციის) ერთიანი პროგრამა, ამ ეტაპზე პროგრამა ტესტირების რეჟიმშია მიმდინარეობს ტექნიკური პარამეტრების დაზუსტება/კორექტირება;"

ტყის აღრიცხვა და მართვის გეგმის მომზადება:

მიმდინარეობდა ტყის აღრიცხვისა და მართვის გეგმების მომზადების მიზნით სამუშაოები: ყვარლის სატყეო უბნისთვის 45044 ჰა ფართობზე, თელავის სატყეო უბნისთვის 52331 ჰა ფართობზე, ცაგერის სატყეო უბნისთვის 50827 ჰა ფართობზე, ონის სატყეო უბნისთვის 57417 ჰა ფართობზე; თიანეთის სატყეო უბანზე დასრულდა ტყის აღრიცხვისა და მართვის გეგმების მომზადების პირველი ეტაპით გათვალისწინებული სამუშაოები.

მუდმივი წრიული სანიმუშო ფართობების აღრიცხვის (FMI) სამუშაოები:

საქართველოს ეკონომიკისა და მდგრადი განვითარების სამინისტროს მოთხოვნის საფუძველზე, განხორციელდა კორექტირება ადგენისა და წალკა-თეთრიწყაროს სატყეო უბნების სახელმწიფო ტყეში ჩასარიცხი და ამოსარიცხი ფართობების Shp-ფაილების; განხორციელდა ცაგერის სატყეო უბნის ტერიტორიაზე მიმდინარე ტყის აღრიცხვის (ინვენტარიზაციის) ფარგლებში პირველ (I) ეტაპით გათვალისწინებული დეშიფრირებული სახელმწიფო ტყის ფართობების, ჩასარიცხი და ამოსარიცხი ტერიტორიების Shp-ფაილების დამუშავება; „ტყის მდგრადი მართვა ეროვნული სატყეო სააგენტოს მართვას დაქვემდებარებულ ტერიტორიებზე - 8 სამიზნე სატყეო უბანი“ პროექტის ფარგლებში დასრულდა

ოზურგეთის სატყეო უბნის (ფართობი - 19300 ჰა) ელ. ტენდერი, ტყის აღრიცხვის (ინვენტარიზაციის) სამუშაოების მომსახურების შესყიდვის შესახებ, შემდგომში 10 წლიანი ტყის მართვის გეგმების შემუშავების უზრუნველსაყოფად; ასევე 6 სატყეო უბანში დასრულდა FMI წრიული რადიუსის მუდმივ სანიმუშო ფართობებზე, კორომების საშუალო ასაკის ლაბორატორიული მეთოდით დადგენა; დამტკიცდა ახმეტის სატყეო უბნის ტყის მართვის გეგმა - 55925 ჰა ფართობისთვის (14.02.2024წ. N2-146 ბრძანება);

ტყის მართვის დაგეგმვის გაუმჯობესება:

ხორციელდება არსებული მართვის გეგმების ანალიზი და მეთოდური მითითებების მომზადება. ასევე, ბიზნეს გეგმების (ფინანსურ-ეკონომიკური გაანგარიშების) მოდელის შექმნა მართვის გეგმებში ინტეგრირების მიზნით. მიმდინარეობს ტექნიკური დავალების და ბიზნეს გეგმაში წარმოსადგენი ცვლადების დაზუსტება/შესწავლა.

3. ტყითსარგებლობა

ტყითსარგებლობის დეპარტამენტი პასუხისმგებელია ტყითსარგებლობის რეგულირებისა და დაგეგმვის ორგანიზებაზე, სარგებლობის უფლებით გასაცემი ობიექტების მომზადებაზე, აგრეთვე მერქნული რესურსით უზრუნველყოფის (გარდა აუქციონის წესით გაცემისა) ღონისძიებების ორგანიზებაზე და მერქნული რესურსებით სარგებლობაზე.

3.1 მერქნული რესურსით სარგებლობა

საანგარიშო პერიოდში სააგენტოს მიერ სამეურნეო და მოვლითი ჭრებით დამზადებულია 21053.26 კმ მერქნული რესურსი;

ცხრილი 1. სააგენტოს მიერ განხორციელებული ჭრა (2024 წლის I-II კვარტალი)

სატყეო სამსახური	სამეურნეო ჭრით დამზადებული მოცულობა (კმ)	მოვლითი ჭრით დამზადებული მოცულობა (კმ)	სულ (კმ)
მცხეთა-მთიანეთი	1156.911	0	1156.911
სამეგრელო-ზემო სვანეთი	8920.82	0	8920.82
ქვემო-ქართლი	0	0	0
გურია	0	0	0
იმერეთის სატყეო სამსახური	1407.05	43.084	1450.134
კახეთის სატყეო სამსახური	1019.778	0	1019.778
რაჭა-ლეჩხუმი-ქვემო სვანეთის სატყეო სამსახური	2912.506	0	2912.506
სამცხე-ჯავახეთის სატყეო სამსახური	2042.503	2529.532	4572.035
შიდა ქართლის სატყეო სამსახური	960.81	60.267	1021.077
სულ:	18420.378	2632.883	21053.26

ეროვნული სატყეო სააგენტო მისი უფლებამოსილების ფარგლებში ახორციელებს საბიუჯეტო ორგანიზაციების სათბობი მერქნული რესურსით უზრუნველყოფას. საანგარიშო პერიოდში საბიუჯეტო ორგანიზაციების მომარაგების მიზნით, დამზადებული და მიწოდებულია **5432,108** კმ მერქნული რესურსი.

ცხრილი 2. სააგენტოს მიერ საბიუჯეტო ორგანიზაციების მომარაგება (2024 წლის I-II კვარტალი).

სატყეო სამსახური	მომარაგება (კბმ)
მცხეთა-მთიანეთი	860
სამეგრელო-ზემო სვანეთი	0
ქვემო-ქართლი	404
გურია	490
იმერეთის სატყეო სამსახური	992.4
კახეთის სატყეო სამსახური	808
რაჭა-ლეჩხუმი-ქვემო სვანეთის სატყეო სამსახური	57.208
სამცხე-ჯავახეთის სატყეო სამსახური	1820.50
შიდა ქართლის სატყეო სამსახური	0
სულ:	5432.108

საანგარიშო პერიოდში სათბობი შეშით მოსახლეობის მოთხოვნილების დაკმაყოფილების მიზნით, სოციალური ჭრის ტყეკაფებიდან გაცემულია **27162.04** კბმ მერქნული რესურსი.

ცხრილი 3. სოციალური ჭრა (2023 წლის I-II კვარტალი).

სატყეო სამსახური	ხე-ტყის ათვისებული მოცულობა (კბმ)
გურიის სატყეო სამსახური	220
იმერეთის სატყეო სამსახური	745.62
კახეთის სატყეო სამსახური	7451.11
მცხეთა-მთიანეთის სატყეო სამსახური	4060.6
რაჭა-ლეჩხუმი-ქვემო სვანეთის სატყეო სამსახური	584.18
სამეგრელო-ზემო სვანეთის სატყეო სამსახური	559.5
სამცხე-ჯავახეთის სატყეო სამსახური	2674.56
ქვემო ქართლის სატყეო სამსახური	5494.4
შიდა ქართლის სატყეო სამსახური	5372.07
სულ:	27162.04

3.2 სატყეო ინფრასტრუქტურის მოწყობა-რეაბილიტაცია

„ტყის ახალი კოდექსის“ მიღების შემდეგ, ინტენსიურად ხორციელდება სატყეო რეფორმა, რომლის ფარგლებში ე.წ. „საქმიანი ეზოები“ საქართველოს ყველა მუნიციპალიტეტში მოეწყობა. საქმიანი ეზოში სააგენტო ორგანიზებულად განახორციელებს ხე-ტყის დამზადებას, დახარისხებას, დასაწყობებასა და გაყიდვას.

დღეის მდგომარეობით მოწყობილია 55 საქმიანი ეზო (ზესტაფონი, მათხოჯი, დაბა თიანეთი, ხევსურთსოფელი, თვალივი, ბულაჩაური, კანატია, ლისი, ბოდორნა, ციხისძირი, ანანური, ლაგოდები, თელავი-კისისხევი, საგარეჯო, დედოფლისწყარო, გურჯაანი, ახმეტა, კოჭბაანი, ანდეზიტი, წაღვერი, ასპინძა, ჩორჩანი, ზღუდერი, ლესემა, სადმელი, ბორჯომის პლატო, ხაშური, ახალციხე, ზუგდიდი, ამამლო, ხოდაშენი, ბოლნისი, ჩოხატაური, შემოქმედი, ჯილაურა, ძეგვი, გორი ბობნევი, კასპი, ტყიბული, ახალსოფლი, მარტვილი, თეთრიწყარო, საჩხერე, ცაგერი-გაგულეჩი, ლანჩხუთი, ჩოხატაური-ქვენობანი, ფშაველი, წალენჯიხა-ბჯვარი, ენისელი, ჭიკვანი, ყუდრო, თეთრაწყარო, სორი, მანდაეთი).

2024 წელს სრულად დაკომპლექტდა 15 საქმიანი ეზო საქართველოს სამ რეგიონში: გურიაში, კახეთსა და გურიაში. აღნიშნულ საქმიანი ეზოებში დასაქმებულია 105 თანამშრომელი შემდეგ პოზიციებზე: მენეჯერი, ოპერატორი, დამხმარე სპეციალისტი (მძლოლი), დამხმარე სპეციალისტი (მუშა), დარაჯი. გურია: (ქვენობანი, ლანჩხუთი, ფარცხმა, შემოქმედი). თიანეთი: (თიანეთი, ხევსურთსოფელი, ყუდრო, კანატია). კახეთი: (ხოდაშენი, კისისხევი, ახმეტა, ფშაველი, ენისელი, ჭიკვანი).

სსიპ ეროვნული სატყეო სააგენტოს მართვას დაქვემდებარებულ ტერიტორიებზე ტყეკაფამდე მისასვლელი სატყეო-სამეურნეო გზების მოწყობა რეაბილიტაციისათვის მიმდინარეობს საველე და კამერალური სამუშაოები, მათ შორის მცხეთა-მთიანეთის სატყეო სამსახურის ტერიტორიაზე დამთავრდა სატყეო გზების რეაბილიტაციის პროექტების ერთი ნაწილი (12 ერთეული გზა 15,939 მეტრი). გარდა ამისა აუცილებლობიდან გამომდინარე მცხეთა-მთიანეთის რეგიონში სატყეო სააგენტოს მართვას დაქვემდებარებულ ტყის მასივებში მისასვლელად ტყის ფონდის გარეთ 1488 მეტრი (1.488 კმ) სულ 17427 მეტრი (17.427 კმ). შიდა ქართლის სატყეო სამსახურის ტერიტორიაზე დამთავრდა სამეურნეო გზების რეაბილიტაციის პროექტი სულ: 12.325 კმ გზა (24 ერთეული გზა). სსიპ ეროვნული სატყეო სააგენტოსა და გერმანიის საერთაშორისო თანამშრომლობის საზოგადოებას (GIZ) შორის გაფორმებული N- 81275746 ხელშეკრულების ფარგლებში დამთავრდა მცხეთა-მთიანეთის სატყეო სამსახურის

თიანეთის სატყეო უბანში (კვ: 42,49,50,43) და სიონის (კვ: 6,19,18,16,15,14) სატყეო უბანში 6.988 კმ სატყეო გზის რეაბილიტაციის პროექტი.

4. ტყის მოვლა-აღდგენა

ტყის მოვლა-აღდგენის დეპარტამენტი უზრუნველყოფს ტყის აღდგენისა და გაშენების ღონისძიებების ორგანიზებას, ტყის სანიტარიული მდგომარეობის გაუმჯობესების, აგრეთვე მავნებელ-დაავადებათა მართვისა და ხანძარსაწინააღმდეგო ღონისძიებების ორგანიზებას.

4.1 ტყის აღდგენის ღონისძიებები

საანგარიშო პერიოდში კახეთის, ქვემო ქართლის, შიდა ქართლის, სამცხე-ჯავახეთის, იმერეთის, გურიის და რაჭა-ლეჩხუმი ქვემო სვანეთის რეგიონებში ტყის აღდგენა-გაშენების ღონისძიებების განხორციელების მიზნით, 2292.6 ჰექტარი ფართობისათვის მომზადდა სატენდერო პაკეტი, რომელიც მოიცავს ტყის აღდგენა-გაშენების პროექტებს და შესაბამის საპროგნოზო ხარჯთაღრიცხვას, მათ შორის ახალ პროექტებს - 495.2 ჰექტარზე, მიმდინარე პროექტებს - 966.8 ჰექტარზე, ხოლო 830.6 ჰექტარზე - გასულ წლებში აღდგენილ-გაშენებული ფართობების მოვლას.

2024 წლის საანგარიშო პერიოდში კახეთის, ქვემო ქართლის, შიდა ქართლის, სამცხე-ჯავახეთის, იმერეთის, გურიის და რაჭა-ლეჩხუმი ქვემო სვანეთის რეგიონებში ტყის აღდგენა-გაშენების ღონისძიებების განხორციელების მიზნით, 2292 ჰექტარი ფართობისათვის მომზადდა სატენდერო პაკეტი, რომელიც მოიცავს ტყის აღდგენა-გაშენების პროექტებს და შესაბამის საპროგნოზო ხარჯთაღრიცხვას, მათ შორის ახალ პროექტებს - 495.2 ჰექტარზე, მიმდინარე პროექტებს - 966.8 ჰექტარზე, ხოლო 830.6 ჰექტარზე - გასულ წლებში აღდგენილ-გაშენებული ფართობების მოვლას.

რეგიონების მიხედვით: ტყის აღდგენა-გაშენების ღონისძიებები დაიგეგმა 495.2 ჰა (2024 წელს დაპროექტებული) ფართობზე: იმერეთი - 34.4 ჰა; რაჭა-ლეჩხუმი ქვემო სვანეთი - 67.0 ჰა; შიდა ქართლი - 38.2 ჰა; ქვემო ქართლი - 93.2 ჰა; სამცხე-ჯავახეთი - 252.4 ჰა; კახეთი - 10 ჰა. ასევე, დაგეგმილია მიმდინარე პროექტების ღონისძიებების განხორციელება 966,8 ჰა ფართობზე: იმერეთში - 20 ჰექტარზე; ქვემო ქართლში - 17.3 ჰექტარზე; კახეთში - 252.5 ჰექტარზე; გურიაში - 677.0 ჰექტარზე. დაგეგმილია გასულ წლებში აღდგენა-გაშენების ფართობების მოვლა 830.6 ჰა ფართობზე: იმერეთი - 155.8 ჰა; რაჭა-ლეჩხუმი ქვემო სვანეთი - 33.6 ჰა; შიდა ქართლი - 24.2

ჰა; ქვემო ქართლი - 120.8 ჰა; სამცხე-ჯავახეთი - 403.2 ჰა; კახეთი - 93 ჰა. • განხორციელდა 9000 ცალი ფერომონის შესყიდვისათვის სატენდერო პაკეტის შემუშავება და ტენდერის გამოცხადება/ფერომონების შესყიდვა. დაგეგმილია წინა წლებში მავნებლების მიერ დაზიანებული ფართობების განმეორებითი მონიტორინგი

ცხრილი 4. ტყის ბუნებრივი განახლების ხელშეწყობის ღონისძიებები (2024 წლის I - II კვარტალი).

რეგიონი	ფართობი (ჰა)
კახეთი	10
ქვემო ქართლი	93.2
შიდა ქართლი	38.2
სამცხე-ჯავახეთ	252.4
რაჭა-ლეჩხუმი ქვემო სვანეთი	67.0
იმერეთი	34.4

5. კანონდარსრულება და კანონმდებლობის დარღვევები

2024 წლის ექვს თვეში, სააგენტოს შიდა აუდიტის დეპარტამენტის თანამშრომლებმა, შემოსული დოკუმენტაციისა და განხორციელებული საველე თუ დოკუმენტური შემოწმებების შედეგად, მოამზადეს 37 დასკვნა, რომელთა საფუძველზეც, სააგენტოს 57 თანამშრომელს დაეკისრა სხვადასხვა სახის დისციპლინური პასუხისმგებლობის ზომა, მათ შორის - დისციპლინური პასუხისმგებლობის ზომა „შენიშვნა“ დაეკისრა 35 თანამშრომელს, „გაფრთხილება“ მიეცა 3-ს, „საყვედური“ გამოეცხადა 6-ს, „თანამდებობრივი სარგო დაუკავდა“ 11 მათგანს, ხოლო 3 თანამშრომელი „გათავისუფლდა სამსახურიდან“. ამასთან, სამ შემთხვევაში საქმის მასალები გადაიგზავნა სამართალდამცავ ორგანოებში.

ასევე, სააგენტოს შიდა აუდიტის დეპარტამენტში, უწყებას დაქვემდებარებული რეგიონული სამსახურებიდან, შემდგომი რეგირების მიზნით გადმოიგზავნა, გადაცდომების შესახებ 58 კორესპონდენცია, რომლებიც შესწავლილი იქნა შიდა აუდიტის დეპარტამენტში და ვინაიდან, სახეზე იყო მექანიკური სახის ხარვეზები, მათ მიმართ არ გამოყენებულა რაიმე

სახის დისციპლინური პასუხისმგებლობის ზომები, შესაბამისად მომზადდა მოხსენებითი ბარათები და გაიცა რეკომენდაციები, გარდა ამისა, ექვსი მათგანი, ვინაიდან შეიცავდა სისხლის სამართლის დანაშაულის სავარაუდო ნიშნებს, შემდგომი რეაგირების მიზნით გადაიგზავნა სამართალდამცავ ორგანოებში.

2024 წლის სამოქმედო გეგმის შესაბამისად, დეპარტამენტის თანამშრომლებმა, ინვარიენტის პერიოდში, განხორციელეს დოკუმენტური შემოწმებები, რის ფარგლებშიც, მცხეთა-მთიანეთის, კახეთის, შიდა ქართლის, სამცხე-ჯავახეთის, იმერეთის, გურიის, სამეგრელო-ზემო სვანეთისა და რაჭა-ლეჩხუმი-ქვემო სვანეთის სატყეო სამსახურებში შერჩევითი წესით შეისწავლეს, 2023-24 წლების საანგარიშო პერიოდში შესული მოქალაქეთა განცხადებები, კერძო საკარმიდამო ნაკვეთებში მრგვალი ხე-ტყის (მორის) მარკირების თაობაზე და მათი შესრულების მდგომარეობა. შერჩევით შემოწმდა, ამავე პერიოდში სატყეო სამსახურის მიერ სოციალური და სპეციალური მიზნით გამოყოფილი ტყეკაფების მასალები, სატყეო სამსახურის მიერ გაცემული ხე-ტყის წარმოშობის დოკუმენტები, მათი გაუქმების, ასევე ადმინისტრაციული სამართალდარღვევის ოქმების შედგენის შესაბამისობა მოქმედ კანონმდებლობასთან. შემოწმების შედეგად გამოვლინდა 2 რიგი დარღვევები, რაზედაც სააგენტოს შიდა აუდიტის დეპარტამენტის მიერ გაიცა რეკომენდაციები, ხოლო სატყეო სამსახურის შესაბამისი თანამშრომლების მიმართ განხორციელდა დისციპლინური ღონისძიებები.

საანგარიშო პერიოდში, დეპარტამენტის თანამშრომლების მიერ, კახეთის, ქვემო ქართლის, სამეგრელო-ზემო სვანეთისა და შიდა ქართლის სატყეო სამსახურებში, რეგიონული სატყეო სამსახურების თანამშრომლებთან ერთად, დათვალიერდა საგარეჯოს სატყეო უბნის პატარძელის, ბოლნისი-დმანისის ფახრალოსა და ფოლადაურის, მარტვილის სატყეო უბნის სალხინოსა და გაჭედილის, ასევე შიდა ქართლის სატყეო სამსახურის ქარელის სატყეო უბნის ზღუდერის, გორის ორმოცისა და ხაშურის ჩორჩანას სატყეოებში, სააგენტოს მიერ გამოყოფილი ტყეკაფები და მისი მიმდებარე სახელმწიფო ტყის ტერიტორიები, სადაც დაფიქსირდა უკანონოდ მოჭრილი სხვადასხვა ჯიშისა და დიამეტრის, I და II ხარისხის, ჯამში 1246 ძირი ხე-მცენარე, საერთო მოცულობით 748,44 მ3 . გარემოზე მიყენებულმა ზიანის თანხამ კი შეადგინა 118464,82 ლარი. ყოველივე აღნიშნულზე, სატყეო სამსახურის შესაბამისი თანამშრომლების მიმართ, სააგენტოს შიდა აუდიტის დეპარტამენტის მიერ გაცემული


რეკომენდაციების საფუძველზე, გამოყენებული იქნა სხვადასხვა სახის დისციპლინური პასუხისმგებლობის ზომები, ხოლო უკანონო ჭრის შესახებ მასალები, შემდგომი რეაგირების მიზნით, გადაიგზავნა სამართალდამცავ ორგანოებში.

6. ადამიანური რესურსების მართვა და საქმისწარმოება


2024 წლის 30 ივნისის მდგომარეობით სააგენტოში დასაქმებულია 1199 ადამიანი, მათ შორის ცენტრალურ აპარატში - 168 (მათგან შტატით განსაზღვრულ თანამდებობაზე - 89 თანამშრომელი, ხელშეკრულებით - 79 თანამშრომელი), ხოლო 1031 თანამშრომელი დასაქმებულია 9 რეგიონალურ სამსახურში (მათგან შტატით განსაზღვრულ თანამდებობაზე - 386 თანამშრომელი, ხელშეკრულებით - 645 თანამშრომელი).

დასაქმებულთა რაოდენობა: სულ - 1199; მათგან მამრობითი - 1055; მდედრობითი - 144.


დიაგრამა 2: დასაქმებულთა რაოდენობის გენდერული განაწილება.



დიაგრამა 3: შტატის და შტატგარეშე თანამშრომელთა რაოდენობა.



დიაგრამა 4: თანამშრომელთა ასაკობრივი ჯგუფებისა და გენდერის მიხედვით განაწილება.



- პერიოდულად ხდებოდა eHRMS - ადამიანური რესურსების მართვის ელექტრონული სისტემის სრულყოფა/განახლება.

განხორციელდა დასაქმებულთა მიერ შესრულებული სამუშაოს შეფასება. შეფასების პირველ ეტაპზე სააგენტოს ცენტრალური აპარატის 90-მა თანამშრომელმა eHRMS სისტემის პირად გვერდზე, შეფასების მოდულში, განსაზღვრა მიმდინარე წლის მიზნები და კომპეტენციები. შეფასების სისტემის სრულყოფილად, ვადების დაცვით, ხარვეზების გარეშე შევსების ხელშეწყობის მიზნით მონიტორინგი განხორციელდა შეფასების პროცესის მიმდინარეობაზე. მეორე ეტაპზე - 90 თანამშრომლის მიმართ განხორციელდა შუალედური შეფასება.

- მიმდინარეობს „დასაქმების ხელშეწყობის 2022 წლის სახელმწიფო პროგრამის დამტკიცების შესახებ“ საქართველოს მთავრობის დადგენილების შესაბამისად, სოციალურად დაუცველი შრომისუნარიანი პირების საზოგადოებრივ სამუშაოებში ჩართვის მიზნით, დასაქმების ხელშეწყობის პროცედურები, კერძოდ, რეგიონალური სატყეო სამსახურებიდან შემოსული ინფორმაციების შესაბამისად, შესაბამის პორტალზე აიტვირთა 175 ვაკანსია. 2024 წლის იანვარი-ივნისის საანგარიშო პერიოდში დასაქმდა 140 სოციალურად დაუცველი შრომისუნარიანი პირი (დამხმარე სპეციალისტი - 121, დარაჯი - 12, დამლაგებელი - 7).

- შემუშავდა და დამტკიცდა „საქართველოს გარემოს დაცვისა და სოფლის მეურნეობის სამინისტროს საჯარო სამართლის იურიდიული პირის - ეროვნული სატყეო სააგენტოს სისტემაში სტაჟირების გავლის წესი“;
„საჯარო დაწესებულებაში სტაჟირების გავლის წესისა და პირობების შესახებ“ სახელმწიფო პროგრამის დამტკიცების თაობაზე“ საქართველოს მთავრობის 2014 წლის 18 ივნისის №410 დადგენილებით სსიპ ეროვნულ სატყეო სააგენტოში სტაჟიორთა სავალდებულო კვოტა განისაზღვრა 51 ერთეულით;
- პირადი განცხადების საფუძველზე სსიპ ეროვნულ სატყეო სააგენტოში სტაჟიორად დაინიშნა ერთი მოქალაქე.სტრატეგიული დაგეგმვა-განვითარება და საერთაშორისო თანამშრომლობა

სექტორში არსებული გამოწვევების დაძლევის შესახებ საერთაშორისო პრაქტიკისა და მიდგომების გაზიარების მიზნით, ეროვნული სატყეო სააგენტო ინტენსიურად თანამშრომლობს ადგილობრივ თუ საერთაშორისო ორგანიზაციებთან. აღნიშნული თანამშრომლობის შედეგად, 2023 წლის საანგარიშო პერიოდის განმავლობაში განხორციელდა არაერთი მნიშვნელოვანი პროექტი, ნაწილი კი კვლავ მიმდინარეობს. ასევე, მომავალში სააგენტოს შესაძლებლობების გაძლიერებისთვის ინიცირებულია ახალი საპროექტო განაცხადები.

7. სტრატეგიული დაგეგმვა და განვითარება

საანგარიშო პერიოდში შემუშავდა და დამტკიცდა სსიპ ეროვნული სატყეო სააგენტოს წლის დაგეგმვის, მონიტორინგისა და შეფასების წესი, რომლის დანიშნულებაც სსიპ ეროვნული სატყეო სააგენტოში შედეგებზე ორიენტირებული დაგეგმვის, მონიტორინგისა და შეფასების დანერგვა და ამ მიმართულებებით ხარისხის უზრუნველყოფის მექანიზმების ჩამოყალიბება.

7.1 საერთაშორისო თანამშრომლობა

სლოვენის რესპუბლიკის საერთაშორისო თანამშრომლობისა და განვითარების ცენტრის (CMSR) მხარდაჭერა

საერთაშორისო თანამშრომლობის და განვითარების ცენტრსა (CMSR) და სსიპ ეროვნული სატყეო სააგენტოს შორის გაფორმდა საგრანტო ხელშეკრულება, პროექტის - **ტყის მდგრადი მართვა ადიგენის მუნიციპალიტეტში - II ფაზა** განხორციელების თაობაზე (2023-2024 წ).

განხორციელებული აქტივობები:

ტრენინგები

- განხორციელდა სააგენტოს თანამშრომელთა სასწავლო ვიზიტი სლოვენიაში, სასწავლო ვიზიტი ფოკუსირებული იყო სატყეო გზების მშენებლობაზე;
- სსიპ ეროვნული სააგენტოს თანამშრომლებს ჩატარდა ტრენინგები: სატყეო-სამეურნეო ღონისძიებების, შრომის უსაფრთხოების და სატყეო გზების დაპროექტება-მოწყობაში; პროექტის ფარგლებში, სსიპ ეროვნული სატყეო სააგენტოს თანამშრომლებს ჩატარდა ტრენინგები შრომის უსაფრთხოების.

სატყეო გზები

- მომზადების პროცესშია 5 კმ - მდე სატყეო გზის პროექტი სოფელ კეხოვანში, რომლის მშენებლობაც დაგეგმილია მიმდინარე წლის სექტემბერში;

ტყის სარეკრეაციო ინფრასტრუქტურა

- ტყის მდგრადი მართვა ადიგენის მუნიციპალიტეტში - I ფაზის განმავლობაში მომზადდა ტყის მართვის რეკრეაციული გეგმა, რომლის მიხედვითაც პროექტის II ფაზის დროს დაიგეგმა 3 საკემპინგე, საფეხმავლო ბილიკისა და საპიკნიკე ინფრასტრუქტურის მოწყობა, ასევე მოხალისეთა 2 საზაფხულო ბანაკის ორგანიზება.

- სოფელ მოხეში უკვე მოეწყო სარეკრეაციო ინფრასტრუქტურის 1 კომპლექტი (1 საკემპინგე და საპიკნიკე ადგილი და საფეხმავლო ბილიკი) მოხალისეთა საზაფხულო ბანაკის მონაწილეების მიერ. ბანაკის მონაწილეები კი იყვნენ სლოვენელი მოხალისეები, სსიპ ეროვნული სატყეო სააგენტოს თანამშრომლები, ადგილობრივი მოსახლეობის და სხვა დაინტერესებული მხარეების წარმომადგენლები.

გერმანიის ეკონომიკური თანამშრომლობისა და განვითარების ფედერალური სამინისტროს (BMZ), კლიმატის მწვანე ფონდისა (GCF) და შვეიცარიის განვითარებისა და თანამშრომლობის სააგენტოს (SDC) მხარდაჭერა:

ტყის სექტორის რეფორმის განხორციელების ხელშეწყობა საქართველოში ტყის დეგრადაციის შედეგად სათბური აირების გამოყოფის შემცირებისთვის (GIZ/GCF/NFA)

საქმიანი ეზოები

- 2024 წელს სრულად დაკომპლექტდა 15 საქმიანი ეზო საქართველოს სამ რეგიონში: გურიაში, კახეთსა და გურიაში. აღნიშნულ საქმიან ეზოებში დასაქმებულია 105 თანამშრომელი შემდეგ პოზიციებზე: მენეჯერი, ოპერატორი, დამხმარე სპეციალისტი (მძლოლი), დამხმარე სპეციალისტი (მუშა), დარაჯი.

გურია (ქვენობანი, ლანჩხუთი, ფარცხმა, შემოქმედი);

თიანეთი (თიანეთი, ხევსურთსოფელი, ყუდრო, კანატია);

კახეთი (ხოდაშენი, კისისხევი, ახმეტა, ფშაველი, ენისელი, ჭიკაანი, ოზაანი).

ტრენინგები

- საქმიანი ეზოების თანამშრომლებს ტრენინგები ჩაუტარდათ შრომის უსაფრთხოების საფუძვლებსა და მერქნული რესურსების მართვის ელექტრონულ სისტემაში. დაგეგმილია დამატებითი ტრენინგების ჩატარება, შრომის უსაფრთხოების წესების დაცვისა და საქმიანი ეზოების ოპტიმალურად ოპერირების მიმართულებით.
- სსიპ ეროვნული სატყეო სააგენტოს რეგიონულ და ცენტრალურ აპარატის თანამშრომლებს სატყეო დარგის საერთაშორისო ექსპერტის - ფრანკ ფერლინის მიერ ჩაუტარდათ 5 დღიანი ტრენინგები თემაზე: „ეკოსისტემაზე დაფუძნებული ტყის მართვა /პრაქტიკული ტყის მართვა“.

სატყეო გზები

- GIZ- ის მიერ დაქირავებული საერთაშორისო ექსპერტის ჩართულობით, სატყეო შემუშავების პროცესშია გზების რეაბილიტაციის პროექტი სამოდელო ტერიტორიებზე - ჩოხატაურში და ახმეტაში, სადაც საპილოტედ განხორციელდება პროექტის მიხედვით დაგეგმილი ღონისძიებები.

ტექნიკა

- 2024 წლის პირველ კვარტალში შესყიდულია 19 ერთეული ტექნიკა:
 - სატვირთო თვითმცლელი (6*6) შეშის სატარებლად (ტყიდან) - 9 ერთეული;
 - სატვირთო ჰიდრომანიპულატორით (6*6) მორების სატარებლად (ტყიდან) - 2 ერთეული;
 - სატვირთო თვითმცლელი (4*2) შეშის სატარები საბიუჯეტო ორგანიზაციებში - 4 ერთეული;
 - სატვირთო თვითმცლელი (8*4) შეშის სატარები საბიუჯეტო ორგანიზაციებში - 3 ერთეული;
 - ევაკუატორი - ბაქნიანო ლაფეტი - 1 ერთეული;მოწოდება განხორციელდება 2024 წლის IV კვარტალში.

სააგენტოს საბიუჯეტო სახსრების ფარგლებში 2024 წელს შეძენილია:

- 3 ერთეული ტრაქტორი (სკიდერი) (მოწოდება 2024 წლის 3 სექტემბრამდე).
სააგენტოს მიზნობრივი გრანტის ფარგლებში (GCF/GIZ-ის) შეძენილია:
- 3 ერთეული საჩეხი.

ინვენტარიზაცია

- დასრულდა ოზურგეთის სატყეო უბნის (ფართობი - 19300 ჰა) ელ. ტენდერი ტყის აღრიცხვის სამუშაოების მომსახურების შესყიდვის შესახებ და გაფორმდა შესაბამისი მომსახურების ხელშეკრულება მომწოდებელთან შემდგომში 10 წლიანი ტყის მართვის გეგმების შემუშავების უზრუნველსაყოფად;
- მიმდინარეობს 6 სატყეო უბანში FMI წრიული რადიუსის მუდმივ სანიმუშო ფართობებზე, კორომების საშუალო ასაკის ლაბორატორიული მეთოდით დადგენა;
- დასრულდა და დამტკიცდა მინისტრის ბრძანებით ახმეტის სატყეო უბნის ტყის მართვის გეგმა - 55925 ჰა ფართობისთვის (14.02.2024წ. N2-146 ბრძანება);

8. საზოგადოებასთან ურთიერთობა

ეროვნული სატყეო სააგენტოს ერთ-ერთი მნიშვნელოვანი მიზანია სატყეო სექტორის პოპულარიზაცია, საზოგადოების გარემოსდაცვითი ცნობიერების ამაღლება და სოციალური პასუხისმგებლობის ჩამოყალიბება და სააგენტოს საქმიანობის სრული გამჭვირვალობა და ხელმისაწვდომობა. სააგენტოს საზოგადოებასთან ურთიერთობის სამსახური, მასმედიასთან და საზოგადოებასთან პერმანენტული დიალოგის გაძლიერების გზით, მნიშვნელოვნად ეხმარება სააგენტოს ამ მიზნის მიღწევაში.

სატყეო სააგენტოს საქმიანობა ვრცელდება ოფიციალურ **web, facebook** და **youtube** არხებზე. ასევე, ელექტრონული და ბეჭდური მედიის საშუალებებში - სატელევიზიო და რადიო არხებით, როგორცაა საზოგადოებრივი მაუწყებელი, იმედი, რუსთავი 2, მაესტრო, პოს ტვ, პალიტრა ტვ, ფორმულა, მთავარი და საინფორმაციო სააგენტოებით.

2024 წლის პირველ ნახევარში საზოგადოებასთან ურთიერთობის სამსახურმა განახორციელა შემდეგი მნიშვნელოვანი თემების გავრცელება:

ტყითსარგებლობის გაუმჯობესების მიზნით, პირველი კვარტლის განმავლობაში მიმდინარეობდა კამპანია მოსახლეობის „საქმიანი ეზოების“ შესახებ ინფორმირების ფარგლებში.

სულ მომზადდა: 1 ბანერი, 2 სიუჟეტი, ეთერში გავიდა 5 გადაცემა. ინფორმაცია გაშუქდა სატელევიზიო და რადიო არხებით, საინფორმაციო სააგენტოებით და ეროვნული სატყეო სააგენტოს ოფიციალურ web, facebook და youtube არხებზე.




მეტყვევის პროფესიის პოპულარიზაციის, და დარგში ახალგაზრდა კადრების მოძიების და დასაქმების მიზნით რეგიონული სატყეო სამსახურების მეტყვევების ბანერი (#მემეტყვევებარ, #დასაქმდიპროფესიით).

სულ მომზადდა: 9 ბლოგი, რომელიც გამოქვეყნდა ეროვნული სატყეო სააგენტოს ოფიციალურ facebook გვერდზე.



ქალთა საერთაშორისო დღესთან დაკავშირებით გავიდა ორი სიუჟეტი მეტყევე ქალებზე, ხოლო ტყის კვირეულის ფარგლებში, ორი სიუჟეტი მეტყევეების ოჯახებზე.



ტყის მოვლისა და აღდგენის ღონისძიებებში საზოგადოებისა და კერძო სექტორის ჩართულობის გაზრდის უზრუნველსაყოფად შექმნილი მოხალისეობრივი პლატფორმა „ტყის მეგობარი“

ყველა დაინტერესებულ პირს, კერძო სექტორსა თუ მოხალისეებს, საშუალება აქვთ რეგისტრაცია გაიარონ პორტალზე - www.forestfriend.ge, რის მეშვეობითაც შეძლებენ სასურველი პროექტის შერჩევას, თანხის დონაციას და მოხალისედ დარეგისტრირებას.

დამზადდა 1 ბანერი, რომელიც გამოქვეყნდა ეროვნული სატყეო სააგენტოს ოფიციალურ facebook არხებზე.



ყოველთვიურად ქვეყნდება ინფორმაცია რეგიონული სატყეო სამსახურების თანამშრომლების მიერ გამოვლენილი სამართალდარღვევათა და დაურეგისტრირებელი სახერხი საამქროების შესახებ.

სულ მომზადდა: 3 ბანერი და 7 სიუეტი. ინფორმაცია გაშუქდა სატელევიზიო და რადიო არხებით, საინფორმაციო სააგენტოებით და ეროვნული სატყეო სააგენტოს ოფიციალურ web, facebook და youtube არხებზე.



გაიმართა სამუშაო შეხვედრა სატყეო სექტორის რეფორმის საკითხებზე

შეხვედრა გაშუქდა სატელევიზიო და რადიო არხებით, საინფორმაციო სააგენტოებით და ეროვნული სატყეო სააგენტოს ოფიციალურ web, facebook და youtube არხებზე.



ეროვნული სატყეო სააგენტო ქვეყანაში ტყის მართვის ძირითადი ორგანოა, რომლის პრიორიტეტული მიმართულებებია ტყის აღდგენა, ტყეების სანიტარული მდგომარეობის გაუმჯობესება, ტყის ინვენტარიზაცია და მართვის გეგმების მომზადება



ეროვნული სატყეო სააგენტოს საქმიანობის პრიორიტეტებზე და ძირითად მიმართულებებზე ისაუბრეს სააგენტოს უფროსის მოადგილეებმა ნათია იორდანიშვილმა და დავით დამენიამ წამყვანი სატელევიზიო არხების გადაცემებში (7 გადაცემა), რომლებიც ასევე, გაშუქდა ეროვნული სატყეო სააგენტოს ოფიციალურ web, facebook და youtube არხებზე.

21 მარტი - ტყის საერთაშორისო დღე



მომზადდა: 1 ბანერი და 1 სიუჟეტი; გაშუქდა სატელევიზიო და რადიო არხებით, საინფორმაციო სააგენტოებით და ეროვნული სატყეო სააგენტოს ოფიციალურ web, facebook და youtube არხებზე.




ბზობის დღესასწაულის მოახლოებასთან დაკავშირებით, ეროვნულმა სატყეო სააგენტომ დაიწყო კამპანია „ნუ მოჭრი ბზას!“, რომლის ფარგლებშიც მომზადდა 3 ბანერი, ვიდეო რგოლი ცნობილი სახეების მონაწილეობით, ტელეკომპანია იმედის დილაში გავიდა სიუჟეტი, საინფორმაციო გამოშვებებში და სხვადასხვა ტელეკომპანიის 5 გადაცემაში სააგენტოს

წარმომადგენლები მოსახლეობას კოლხური ბზის გადარჩენის მნიშვნელობაზე მიაწოდეს ინფორმაცია.

მეორე კვარტლის განმავლობაში განხორციელდა საზღვარგარეთ საქმიანი ვიზიტები: ჩეხეთში - სახელმწიფოს სატყეო პოლიტიკის, ტყისა და დაცული ლანდშაფტების მართვის პრაქტიკის, ტყის განვითარების გეგმების, ასევე „საქმიანი ეზოების“ ფუნქციონირებისა და შეშის წარმოების სისტემის გაცნობის მიზნით; და სლოვენიაში - პროექტის „ტყის მდგრადი მართვა ადიგენის მუნიციპალიტეტში, ფაზა II“ მიმდინარეობის საკითხების განსახილველად.



REC Caucasus-თან თანამშრომლობის მემორანდუმი ტყის მართვის საკითხებში - მემორანდუმი ითვალისწინებს საქართველოს ბიომრავალფეროვნების კვლევის, კონსერვაციის და გარემოსდაცვითი განათლების განვითარების მიმართულებებით თანამშრომლობას, ასევე, ტყის მდგრადი მართვისა და ტყის ეკოსისტემის შესახებ საზოგადოების ცნობიერების ამაღლებას.




ზაფხული, ჰაერის მაღალი ტემპერატურის გამო, განსაკუთრებით ხანძარსაშიში პერიოდია. გარემოს დაცვისა და სოფლის მეურნეობის სამინისტრო **ხანძარსაწინააღმდეგო პრევენციულ ღონისძიებებს ყოველწლიურად ახორციელებს**. კამპანია **„ნუ დატოვებ კოცონს უყურადღებოდ“** ფარგლებში მომზადდა 2 ბანერი, სოციალური რეკლამის ვიდეო რგოლი ცნობილი სახეების მონაწილეობით, საინფორმაციო გამოშვებებში გავიდა 3 სიუჟეტი და სხვადასხვა არხის 4 გადაცემაში სააგენტოს წარმომადგენლებმა მიაწოდეს მოსახლეობას ინფორმაცია ხანძრის გამომწვევი მიზეზების და ტყეში ქცევის წესების შესახებ

2024 წლის პირველი ნახევრის ბოლოს სააგენტოს სოციალური ქსელი facebook-ის გვერდის მომხმარებელთა რაოდენობამ **14,924-ს** მიაღწია.



სულ 2024 წელს ეროვნული სატყეო სააგენტოს საქმიანობის გაშუქება:



საჯარო ინფორმაციის გაცემის მოთხოვნით შემოსულია 55 წერილი.

9. ბიუჯეტის შესრულება

9.1 ინფორმაცია სსიპ ეროვნული სატყეო სააგენტოს 2024 წლის ბიუჯეტის შესრულების შესახებ

სსიპ ეროვნული სატყეო სააგენტოს 2024 წლისათვის, „საქართველოს 2024 წლის სახელმწიფო ბიუჯეტის შესახებ“ საქართველოს კანონის შესაბამისად, სააგენტოს შემოსულობები განესაზღვრა 61,830.00 ათ. ლარის ოდენობით, აქედან შემოსავლები - დაფინანსება საბიუჯეტო სახსრების სახით - 24,680.00 ათ. ლარი, საკუთარი შემოსავლებიდან - 37,150.00 ათ. ლარის ოდენობით. გადასახდელები განსაზღვრული იქნა 65,145.00 ათ. ლარის ოდენობით, აქედან, საბიუჯეტო სახსრების ნაწილში - 24,680.00 ათ. ლარის ოდენობით, ხოლო კანონმდებლობით ნებადართული სხვა (საკუთარი) შემოსავლებიდან - 40,465.00 ათ. ლარის ოდენობით. საქართველოს მთავრობის 2024 წლის 06 მარტის N315 განკარგულებით დაზუსტდა აღნიშნული მაჩვენებლები და სააგენტოს გადასახდელების დაზუსტებულმა ოდენობამ შეადგინა ხარჯვით ნაწილში - 73,292.00 ათ. ლარი, აქედან, საბიუჯეტო სახსრების ნაწილში - 24,680.00 ათ. ლარი, ხოლო კანონმდებლობით ნებადართული სხვა (საკუთარი) შემოსავლებიდან - 48,612.00 ათ. ლარი.

გარდა აღნიშნულისა, სააგენტო წლის განმავლობაში, მიზნობრივი გრანტების დაფინანსებით გეგმავს 9,250.27 ათ. ლარის გახარჯვას.

ცხრილი 1.

2024 წლის 6 თვის გეგმა/ფაქტი და შესრულების პროცენტული მაჩვენებელი

ათ. ლარი


დასახელება	2024 წლის 6 თვის დაზუსტებული გეგმა				2024 წლის 6 თვის ფაქტი				2024 წლის 6 თვის შესრულება			
	მთლიანი ბიუჯეტი	მათ შორის			მთლიანი ბიუჯეტი	მათ შორის			მთლიანი ბიუჯეტი	მათ შორის		
		სახელმწიფო ბიუჯეტი	მიზნობრივი გრანტი	საკუთარი შემოსავ		სახელმწიფო ბიუჯეტი	მიზნობრივი გრანტი	საკუთარი შემოსავ		სახელმწიფო ბიუჯეტი	მიზნობრივი გრანტი	საკუთარი შემოსავ
ნაშთი პერიოდის დასაწყისისათვის	14,747.9			14,747.9	14,747.9			14,747.9				
შემოსულობები	23,193.27	9,229.00	3,564.27	10,400.00	26,316.09	9,150.73	537.92	16,627.44	113%	99%	15%	160%
შემოსავლები	23,193.27	9,229.00	3,564.27	10,400.00	26,316.09	9,150.73	537.92	16,627.44	113%	99%	15%	160%
მ.შ. საბიუჯეტო სახსრები	9,229.00	9,229.00	-	-	9,150.73	9,150.73	-	-	99%	99%		
მ.შ. საკუთარი შემოსავლები	10,400.00	-	-	10,400.00	16,627.44	-	-	16,627.44	160%			160%
გრანტები	3,564.27	-	3,564.27	-	537.92	-	537.92	-	15%		15%	
სატყეო სისტემის ჩამოყალიბება და მართვა 31 09	21,547.27	9,229.00	3,564.27	8,754.00	18,305.72	9,150.73	537.92	8,617.07	85%	99%	15%	98%
ეროვნული სატყეო სააგენტოს რეგულირება და მართვა 31 09 01	10,714.00	6,339.00	-	4,375.00	10,631.89	6,327.72	-	4,304.16	99%	100%		98%
ტყის მოვლა-აღდგენის ღონისძიებები 31 09 02	668.27	404.00	64.27	200.00	595.05	401.54	1.96	191.55	89%	99%	3%	96%
ტყითსარგებლობის ღონისძიებები 31 09 03	10,028.00	2,386.00	3,500.00	4,142.00	6,942.78	2,321.47	535.96	4,085.35	69%	97%	15%	99%
ტყის აღრიცხვა-ინვენტარიზაციის ღონისძიებები 31 09 04	137.00	100.00	-	37.00	136.01	100.00	-	36.01	99%	100%		97%
ნაშთი პერიოდის ბოლოს	16,393.91			16,393.91	22,758.28			22,758.28				

9.2 კანონმდებლობით ნებადართული სხვა (საკუთარი) შემოსავლები და გადასახდებები

ფაქტობრივად, ეროვნული სატყეო სააგენტოს მიერ მიღებულმა შემოსავლებმა 2024 წლის 6 თვეში შეადგინა 16,627.44 ათ. ლარი:

გრაფიკი N1

2024 წლის 6 თვის საკუთარი შემოსულობების რიცხოზრივი და პროცენტული მაჩვენებლები სახეების მიხედვით



წყარო: სახელმწიფო ხაზინა

9.3 დაფინანსება სხვა წყაროებიდან:

საანგარიშო პერიოდში, მიზნობრივი გრანტების ფარგლებში განხორციელდა კანონით დადგენილი პროცედურები და დამტკიცდა მიზნობრივი გრანტების ხარჯთაღრიცხვები:

- „იმერეთის რეგიონში დაავადებული წაბლნარი ტყეების აღდგენის და განახლების პროგრამის და ეკო-პრემიების პროგრამის“ ხელშეკრულების ფარგლებში - 64,3 ათ. ლარზე; (ხელშეკრულება საქართველოს მთავრობასა და ბაქო-თბილისი-ჯეიჰანის მილსადენის კომპანიას (BTC Co) და სამხრეთ კავკასიის მილსადენის კომპანიას (SCP Co) შორის);
- დამტკიცდა 2024 წლის ხარჯთაღრიცხვა **სსიპ ეროვნულ სატყეო სააგენტოსა** და გერმანიის საერთაშორისო თანამშრომლობის საზოგადოებას (GCF/GIZ) - შორის გაფორმებული საგრანტო ხელშეკრულება „ტყის მდგრადი მართვა ეროვნული სატყეო სააგენტოს მართვის დაქვემდებარებულ ტერიტორიებზე - 9 186.0 ათ. ლარზე, (8 სამიზნე სატყეო უბანი)“ **მიზნობრივი გრანტი N2471, 10.03.2022**, (ფულადი გრანტის მთლიანი მოცულობა - 14,873,206.00 ევრო).

სულ ჯამში მიზნობრივი გრანტის ფარგლებში 2024 წლის 6 თვის გასაწევმა ხარჯების გეგმამ შეადგინა 3 564.27 ათ. ლარი, ხოლო საკასო შესრულებამ შეადგინა 537.92 ათ. ლარი.

9.4 ძირითად საქმიანობასთან დაკავშირებული სხვა ინფორმაცია:

მომზადდა და მიღებული იქნა საქართველოს მთავრობის განკარგულება (N315 06.03.24) საქართველოს გარემოს დაცვისა და სოფლის მეურნეობის სამინისტროს სსიპ ეროვნული სატყეო სააგენტოს 2024 წლის ბიუჯეტის, საშტატო ნუსხისა და სახელფასო ფონდის შეთანხმების თაობაზე;

მიღებული იქნა საქართველოს მთავრობის განკარგულება (N277 29.02.24) „საქართველოს გარემოს დაცვისა და სოფლის მეურნეობის სამინისტროს საჯარო სამართლის იურიდიული პირისთვის – ეროვნული სატყეო სააგენტოსთვის „საქართველოს 2024 წლის სახელმწიფო ბიუჯეტის შესახებ“ საქართველოს კანონის 25-ე მუხლით გათვალისწინებულ შეზღუდვაზე გამონაკლისის დაშვების თაობაზე“;

მომზადდა „სსიპ ეროვნული სატყეო სააგენტოს უფროსის „საჯარო სამართლის იურიდიული პირის ეროვნული სატყეო სააგენტოს 2024 წლის საკუთარი შემოსულობების, გადასახდელებისა და ნაშთის ცვლილების მაჩვენებლების განსაზღვრის შესახებ“ 2024 წლის 15 მარტის N418/ს ბრძანება.

„საქართველოს გარემოს დაცვისა და სოფლის მეურნეობის სამინისტროს სისტემაში ფინანსური მართვისა და კონტროლის სისტემის ჩამოყალიბების მიზნებისათვის უფლებამოსილებებისა და პასუხისმგებლობის განაწილების წესის დამტკიცების შესახებ“ 2022 წლის 25 მარტის N2-240 ბრძანების საფუძველზე მომზადდა სააგენტოს 2023 წლის ანგარიში და 2024 წლის პირველი კვარტლის ანგარიში.

მომზადდა ფინანსური დეპარტამენტის 2023 წლის ანგარიში და 2024 წლის პირველი კვარტლის ანგარიში.

„საჯარო ინფორმაციის ელექტრონული ფორმით მოთხოვნისა და პროაქტიულად გამოქვეყნების შესახებ“ საქართველოს მთავრობის 2013 წლის 26 აგვისტოს N219 დადგენილების თანახმად მომზადდა 2023 წლის ანგარიში და 2024 წლის პირველი კვარტლის ანგარიში.

მომზადდა ცვლილებები სააგენტოს 2024 წლის ბიუჯეტის ხარჯების კვარტალურ განწერაში (კვარტლებსა და კლასიფიკაციის მუხლებს შორის დაზუსტების მიზნით);

9.5 ელექტრონული აუქციონის წესით მერქნული რესურსის რეალიზაცია.

2024 წლის 6 თვეში გამოცხადდა 476 ელექტრონული აუქციონი. გაყიდული მერქნული რესურსის მოცულობამ შეადგინა 42 959 კუბური მეტრი. აუქციონის საბოლოო გასაყიდმა თანხამ შეადგინა 10 463 784 ლარი.

გამოცხადდა სახელმწიფო ტყის მიწის ნაკვეთზე საკომუნიკაციო ქსელების სახაზო ნაგებობის განთავსების მიზნით 8 (რვა) ელექტრონული აუქციონი. აქედან შედგა 6 (ექვსი) ელექტრონული აუქციონი 1408 კვმ-ზე, რომლის გასაყიდმა ფასმა შეადგინა 67 200 ლარი.

გამოცხადდა არასასოფლო-სამეურნეო დანიშნულების მიწის ნაკვეთზე 4 (ოთხი) ელექტრონული აუქციონი. აქედან შედგა 4 (ოთხი) ელექტრონული აუქციონი 39 565 კვმ-ზე, რომლის გასაყიდმა ფასმა შეადგინა 78 629,05 ლარი.

9.6 საქმიანი ეზოების მოწყობა და ინფრასტრუქტურული პროექტები

2024 წელს მიმდინარეობს **3 (სამი)** ადმინისტრაციული შენობის და საქმიანი ეზოს (ყვარელი; ბოლნისი; ცაგერი) სამშენებლო-სარემონტო სამუშაოები, პროექტით გათვალისწინებული სამუშაოები და მშენებლობა დასრულდება 2024 წელს.

2024 წელს მიმდინარეობს 2 (ორი) საქმიანი ეზოს (ყვარელი; მანდაეთი) მშენებლობის სამუშაოები, რომელიც დასრულდება 2024 წელს. დასრულდა 2 საქმიანი ეზოს მშენებლობა (სორი; თეთრაწყარო)

ასევე ტენდერი გამოცხადდა და გაფორმდა ხელშეკრულებები **13 (ცამეტი)** საქმიანი ეზოს მშენებლობაზე (1. ხაშური - ოსიაური; 2. ბოლნისი - მამხუტი; 3. წალკა; 4. თეთრიწყარო - ალექსეივკა; 5. ხარაგაული - ხევი; 6. ვანი; 7. ჩხოროწყუ - ხაბუმე; 8. საგარეჯო - მანავი; 9. საჩხერე - კორბოული; 10. ახალციხე - აწყური; 11. სენაკი; 12. ამბროლაური - თლული; 13. ჭიათურა - ხრეთი), რომლის მშენებლობა დასრულდება **2024 წელს**.

ასევე ტენდერი გამოცხადდა 1 (ერთი) ხელშეკრულების ფარგლებში, Design-Build მეთოდით, რაჭა ლეჩხუმისა და ქვემო სვანეთის სატყეო სამსახურის სამოქმედო არეალში, კერძოდ **ონის** რაიონში (საკადასტრო კოდი - 88.18.26.064) ახალი საოფისე შენობის და შესაბამისი გარემო ინფრასტრუქტურის მოწყობის დეტალური საპროექტო-სახარჯთაღრიცხვო დოკუმენტაციის მომზადებისა და მის საფუძველზე სამშენებლო სამუშაოების სახელმწიფო შესყიდვაზე.

მიმდინარეობს ფასების კვლევის პროცესი და 2024 წლის მე-3 კვარტალში დამატებით ტენდერი გამოცხადდება **1 (ერთი)** ადმინისტრაციული შენობის (მცხეთა) სარემონტო-სარეაბილიტაციო სამუშაოების და **2 (ორი)** საქმიანი ეზოს (ნიკორწმინდა, სადმელი) სამშენებლო სამუშაოების შესყიდვაზე, რომელიც 2025 წელს დასრულდება.

9.7 სახელმწიფო შესყიდვები

სააგენტოს ადმინისტრაციული და სხვა საქმიანობის უზრუნველყოფის მიზნით, 2024 წლის I-II კვარტალში გაფორმდა სახელმწიფო შესყიდვების შესახებ ხელშეკრულებები სახელმწიფო ბიუჯეტის სახსრებით - 9,264,665.04 ლარზე, საკუთარი სახსრებით - 9,531,877.40 ლარზე, მიზნობრივი გრანტის ფარგლებში - 1,177,707.55 ლარზე;